



Republika e Kosovës
Republika Kosova-Republic of Kosovo
Kuvendi - Skupština - Assembly

Legjislatura III
Sesioni pranveror

Seancë plenare e Kuvendit
S- 026
Prishtinë, më 12 qershor 2008, në orën 15:00
Ndërtesa e Kuvendit, salla e seancave plenare.

P R O C E S V E R B A L

I SEANCËS PLENARE TË KUVENDIT TË KOSOVËS, TË MBAJTUR MË
12 QERSHOR 2008

Seancën e kryesoi **Jakup Krasniqi**, Kryetar i Kuvendit, kurse i ndihmoi Naim Maloku, anëtar i Kryesisë.

Kryetari konstatoi se në seancë janë të pranishëm 85 deputetë dhe e deklaroi të hapur punën e saj.

Kryetari i njoftoi deputetët e Kuvendit se, Kryesia në konsultim me kryetarët e grupeve parlamentare, në bazë të Vendimit të Kuvendit për shmangie nga Rregullorja e Punës për shqyrtimin dhe miratimin e ligjeve të identifikuara në Propozimin gjithëpërfshirës për zgjidhjen e statusit të Kosovës dhe legjislacionin e ndërlidhur me të, sipas procedurës së veçantë, të datës 15 shkurt 2008, në mbledhjen e mbajtur më 12 qershor 2008, ka përgatitur dhe Kuvendit ia ka paraqitur rendin e ditës për seancën e sotme plenare.

Kuvendi i zhvilloi punimet me këtë

R e n d d i t e:

1. Shqyrtimi i parë i Grupit të pestë të projektligjeve nga Propozimi i Martti Ahtisaarit, sipas procedurës së veçantë:

- 1.1. Shqyrtimi i parë i Projektligjit për shpërbërjen e Trupave Mbrojtje të Kosovës,
- 1.2. Shqyrtimi i parë i Projektligjit për Shërbimin në Forcën e Sigurisë së Kosovës,
- 1.3. Shqyrtimi i parë i Projektligjit për ndryshimin e Rregullores së UNMIK-ut 2006/50 për

zgjidhjen e kërkesave lidhur me pronën e paluajtshme private, duke përfshirë pronën bujqësore dhe atë komerciale,

- 1.4. Shqyrtimi i parë i Projektligjit për ndryshimin e Rregullores së UNMIK-ut Nr. 2005/20 për ndryshimin e Rregullores së UNMIK-ut 2001/35 për Fondin pensional të Kosovës,
- 1.5. Shqyrtimi i parë i Projektligjit për ndryshimin e Rregullores së UNMIK-ut 2005/2 mbi themelimin e Komisionit të Pavarur për Minierat dhe Mineralet në Kosovë,
- 1.6. Shqyrtimi i parë i Projektligjit për ndryshimin e Rregullores së UNMIK-ut 2004/49 për veprimtaritë e ofruesve të shërbimeve të ujësjellësit, të kanalizimit dhe të mbeturinave,
- 1.7. Shqyrtimi i parë i Projektligjit për ndryshimin e Rregullores së UNMIK-ut 2003/16 për shpalljen e Ligjit për Telekomunikacion, të miratuar nga Kuvendi i Kosovës.
- 1.8. Shqyrtimi i parë i Projektligjit për ndryshimin e Ligjit të Kuvendit të Kosovës 2004/9 mbi Rregullatorin e Energjisë,
- 1.9. Shqyrtimi i parë i Projektligjit për ndërmarrjet publike dhe
- 1.10 Shqyrtimi i parë i Projektligjit për ndryshimin e Rregullores së UNMIK-ut 2008/13 mbi miratimin e Buxhetit të Konsoliduar të Kosovës dhe shpenzimet e autorizuara për periudhën 1 janar deri më 31 dhjetor 2008.

1. Shqyrtimi i parë i Projektligjit për shpërbërjen e Trupave Mbrojtëse të Kosovës

Kryetari ftoi përfaqësuesin e Qeverisë që ta prezantojë këtë projektligj para deputetëve të Kuvendit.

Zëvendëskryeministri, **Ramë Manaj**, në emër të Qeverisë tha se me këtë projektligj parashihet shpërbërja e Trupave Mbrojtëse të Kosovës brenda një viti, nga data e përfundimit të periudhës së tranzicionit, në pajtim me Propozimin gjithëpërfshirës për statusin e Kosovës.

Projektligji përcakton mandatin dhe autoritetin ekzekutiv mbi TMK-në gjatë periudhës së shpërbërjes. I referohet bartjes së detyrave kyçe tek Forca e Sigurisë së Kosovës, si dhe përcakton ofrimin e të gjitha mjeteve për realizimin e shpërbërjes në pajtim me dispozitat e përcaktuara me këtë projektligj.

Deri në shpërbërjen e TMK-së, prania ushtarake ndërkombëtare, në konsultim me Përfaqësuesin Civil Ndërkombëtar dhe me Qeverinë e Kosovës, ushtron autoritet ekzekutiv mbi TMK-në dhe vendos për programin kohor të shpërbërjes së saj.

Ky projektligj, ndër të tjera, parasheh dhe planifikon edhe mbikëqyrjen e transferimit të pasurive të Trupave Mbrojtëse të Kosovës tek Forca e Sigurisë së Kosovës, si dhe kompetencën e Kuvendit të Kosovës për ushtrimin e mbikëqyrjes demokratike e parlamentare mbi TMK-në deri në shpërbërjen e saj.

Pjesëtarët e TMK-së, të cilët përmbushin kriteret, kanë të drejtë aplikimi për të shërbyer në Forcën e Sigurisë së Kosovës dhe, po ashtu, ata do të kenë të drejtë në përfitimin e pensioneve, të cilat rregullohen me ligj të veçantë, të drejtë në paketën e shkurtimit nga puna në programin e riintegrit.

Pasi që askush nga grupet parlamentare nuk u paraqit për fjalë, Kryetari e hodhi në votim miratimin e këtij projektligji. Rezultati i votimit ishte, si vijon:

Për----- 56;
Kundër-----4;
Abstenime-----12.

Kryetari konstatoi se Kuvendi, me shumicë votash, miratoi në parim Ligjin për shpërbërjen e Trupave Mbrojtëse të Kosovës.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

2. Shqyrtimi i parë i Projektligjit për Shërbimin në Forcën e Sigurisë së Kosovës

Kryetari ftoi përfaqësuesin e Qeverisë që ta prezantojë këtë projektligj para deputetëve të Kuvendit.

Zëvendëskryeministri, **Ramë Manaj**, në emër të Qeverisë tha se me këtë projektligj rregullohet shërbimi në Forcën e Sigurisë së Kosovës, duke përfshirë rregullat dhe kushtet e shërbimit për të gjithë pjesëtarët e saj.

Në këtë projektligj përfshihen dispozitat e përgjithshme, të drejtat dhe obligimet e pjesëtarëve të Forcës së Sigurisë së Kosovës, roli i pranisë ndërkombëtare ushtarake në themelimin e Forcës së Sigurisë së Kosovës, si dhe çështjet specifike lidhur me pranimin e ish pjesëtarëve të Trupave të Mbrojtjes së Kosovës në Forcën e Sigurisë së Kosovës.

Ky projektligj është në përputhje me standardet e NATO-s dhe rregullon çështjen e uniformave, emblemat, parametrat e shërbimit, strukturat e karrierës, vlerësimet vjetore, promovimet, emërimet, kodin e mirësjelljes, kodin disiplinor, pagat, pagesat shtesë, orarin e punës, ndërprerjen e shërbimit dhe çështje të tjera.

Dispozitat e këtij projektligji janë kryesisht të përgjithshme për arsye se këto do të kompletohen me rregullore të veçanta, që do të jenë së paku 30 rregullore të tilla, të cilat do të hartohen nga Ministria e Forcës së Sigurisë së Kosovës.

Kryetari hapi debatin për shqyrtimin e Projektligjit për Shërbimin në Forcën e Sigurisë së Kosovës.

Ibrahim Makolli (AKR) propozoi që shqyrtimi dhe miratimi i këtyre projektligjeve të bëhet në pako, me arsyetimin se deputetët nuk kanë pasur kohë të mjaftueshme për t'i lexuar.

Kryetari e hodhi në votim miratimin e këtij projektligji. Rezultati i votimit ishte, si vijon:

Për----- 73;
Kundër-----5.
Abstenime-----7.

Kryetari konstatoi se Kuvendi, me shumicë votash, miratoi në parim, Projektligjin për shërbimin në Forcën e Sigurisë së Kosovës.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

3. Shqyrtimi i parë i Projektligjit për ndryshimin e Rregullores së UNMIK-ut 2006/50 për zgjidhjen e kërkesave lidhur me pronën e paluajtshme private, duke përfshirë pronën bujqësore dhe atë komerciale

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministri i Mjedisit dhe i Planifikimit Hapësinor, **Mahir Yagcilar**, tha se ky projektligj ka për qëllim zgjidhjen e kërkesave që kanë të bëjnë me pronën e paluajtshme private, duke përfshirë pronën bujqësore dhe atë komerciale, pa i referuar kërkesat e tilla në gjykatat me kompetencë territoriale dhe lëndore

Sipas këtij Projektligji, Agjencia Kosovare e Pronës do të funksionojë si Agjenci e pavarur në përputhje me nenin 142 të Kushtetutës së Republikës së Kosovës. Agjencia Kosovare e Pronës do të përbëhet nga Bordi mbikëqyrës, nga Sekretaria ekzekutive dhe nga Komisioni për Kërkesa Pronësore. Me qëllim të bartjes së kompetencave të kësaj fushe tek autoritet vendore të Republikës së Kosovës, si dhe të përmbushjeve të obligimeve që dalin nga dispozitat e përcaktuara në Kushtetutën e Kosovës dhe të neneve 4 dhe 5, Aneksi 7 të Propozimit gjithëpërfshirës, propozoj miratimin e këtij Projektligji.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 74;

Kundër----- 5.

Abstenime-----7.

Kryetari konstatoi se Kuvendi, me shumicë votash, miratoi në parim, Projektligjin për ndryshimin e Rregullores së UNMIK-ut Nr. 2006/50 për zgjidhjen e kërkesave lidhur me pronën e paluajtshme private, duke përfshirë pronën bujqësore dhe atë komerciale.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

4. Shqyrtimi i parë i Projektligjit për ndryshimin e Rregullores së UNMIK-ut 2005/20 për ndryshimin e Rregullores së UNMIK-ut 2001/35 për Fondin pensional të Kosovës

Kryetari ftoi përfaqësuesin e Qeverisë që ta prezantojë këtë projektligj para deputetëve të Kuvendit.

Zëvendëskryeministri, **Ramë Manaj**, në emër të Qeverisë tha se me këtë projektligj parashihet delegimi i kompetencave nga UNMIK-u te autoritet vendore me qëllim të ushtrimit të përgjegjësi lidhur me Fondin e kursimeve pensionale. Fondi i kursimeve pensionale i Kosovës, sipas këtij projektligji do të funksionojë si subjekt i pavarur juridik nën mbikëqyrjen e Bankës Qendrore të Republikës së Kosovës.

Fondi ka për detyrë menaxhimin dhe administrimin e llogarive individuale të pensioneve. Vendosja e politikës ekonomike lidhur me pensionet si pjesë e politikës buxhetore dhe fiskale është përgjegjësi e Qeverisë. Qeveria e realizon këtë politikë përmes Ministrisë së Punës dhe të Mirëqenies Sociale, në bashkëpunim me Ministrinë e Ekonomisë dhe të Financave.

Ministri i Punës dhe i Mirëqenies Sociale, Ministri i Ekonomisë dhe Financave, Guvernatori i Bankës Qendrore dhe anëtarët e tjerë të emëruar nga Kryeministri, do të përbëjnë Grupin Punues Ndërminstor për politikën e pensioneve.

Në bazë të dispozitave të këtij projektligji, Kuvendi i Republikës së Kosovës emëron anëtarët e Bordit drejtues, njëri prej të cilëve do të jetë anëtar ndërkombëtar i emëruar nga Përfaqësuesi Civil Ndërkombëtar.

Kryetari e hodhi në votim miratimin e këtij projektligji. Rezultati i votimit ishte, si vijon:

Për----- 82;
Kundër----- 5.
Abstenime-----4.

Kryetari konstatoi se Kuvendi, me shumicë votash miratoi, në parim, Projektligjin për ndryshimin e Rregullores së UNMIK-ut nr. 2005/20 për ndryshimin e Rregullores së UNMIK-ut 2001/35 për Fondin pensional të Kosovës

Kuvendi ngarkoi Komisionin Ad-hoc që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

5. Shqyrtimi i parë i Projektligjit për ndryshimin e Rregullores së UNMIK-ut 2005/2 mbi themelimin e Komisionit të Pavarur për Minierat dhe Minerale në Kosovë

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministrja për Energji dhe e Miniera, **Justina Pula**, në emër të Qeverisë tha se ky projektligj ka për qëllim ndryshimin e Rregullores së UNMIK-ut, nr. 2005/2 për themelimin e Komisionit të Pavarur për Miniera dhe Minerale, i cili kërkohet të shndërrohet nga Rregullorja e UNMIK-ut në ligj të Kuvendit të Republikës së Kosovës.

Ky projektligj përmban gjithsej 11 nene dhe fokusohet në bartjen e kompetencave nga UNMIK-u në Komisionin e Pavarur të Minierave dhe të Mineraleve.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 77;
Kundër----- 5.
Abstenime-----8.

Kryetari konstatoi se Kuvendi, me shumicë votash, miratoi në parim, Projektligjin për ndryshimin e Rregullores së UNMIK-ut 2005/2 mbi themelimin e Komisionit të Pavarur për Miniera dhe Minerale në Kosovë.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligjin dhe Kuvendit t'ia paraqesë raportin me rekomandime.

6. Shqyrtimi i parë i Projektligjit për ndryshimin e Rregullores së UNMIK-ut 2004/49 për veprimtaritë e ofruesve të shërbimeve të ujësjellësit, të kanalizimit dhe të mbeturinave

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministri për Mjedis dhe Planifikim Hapësinor, **Mahir Yagcilar** tha se ky Projektligj ka për qëllim ndryshimin e Rregullores së UNMIK-ut nr. 2004/49 për veprimtarinë e ofruesve të shërbimeve të: ujësjellësit, të kanalizimit dhe të mbeturinave. Me këtë ligj themelohet Zyra Rregulative e Ujësjellësit dhe e Mbeturinave, si një organ i pavarur, në pajtim me nenin 119 dhe 142 të Kushtetutës, me qëllim të bartjes sa më të efektshme të kompetencave dhe të përgjegjësiave tek autoritetet vendore të Kosovës, në momentin e përfundimit të periudhës së tranzicionit.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 77;
Kundër----- 4.
Abstenime-----8.

Kryetari konstatoi se Kuvendi, me shumicë votash, miratoi, në parim, Projektligjin për ndryshimin e Rregullores së UNMIK-ut 2004/49 për veprimtaritë e ofruesve të shërbimeve të ujësjellësit, të kanalizimit dhe të mbeturinave.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligjin dhe Kuvendit t’ia paraqesë raportin me rekomandime

7. Shqyrtimi i parë i Projektligjit për ndryshimin e Rregullores së UNMIK-ut 2003/16 për shpalljen e Ligjit për Telekomunikacion, të miratuar nga Kuvendi i Kosovës.

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministri për Transport dhe Telekomunikacion, **Fatmir Limaj**, tha se ky Projektligji në fakt, nuk ka ndryshime nga ai që është në fuqi, të cilin e ka miratuar Kuvendi në përbërjen e kaluar, përveç se këtu tash ka një lloj spastrimi teknik, i cili praktikisht mundëson bartjen e kompetencave nga UNMIK-u në Qeverinë e Kosovës. Pra, është bërë një spastrimi teknik nga Rregullorja e UNMIK-ut me dy lëshime teknike, të cilat janë paraqitur para Qeverisë, e cila i ka votuar.

Meqë Kosova është në fazën e njohjes ndërkombëtare, nevojitet edhe njohja në organizatat e ndryshme ndërkombëtare, siç është rasti me ITU dhe me institucionet e tjera.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 78;
Kundër----- 4.
Abstenime-----5.

Kryetari konstatoi se Kuvendi, me shumicë votash miratoi, në parim, Projektligjin për ndryshimin e Rregullores së UNMIK-ut Nr. 2003/16 për shpalljen e Ligjit për Telekomunikacion, të miratuar nga Kuvendi i Kosovës.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime

8. Shqyrtimi i parë i Projektligjit për ndryshimin e Ligjit të Kuvendit të Kosovës 2004/9 mbi Rregullatorin e Energjisë

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministrja për Energji dhe Miniera, **Justina Pula**, tha se ky Projektligj në fakt ekziston që nga qershori i vitit 2004. Ka disa ndryshime sa u përket neneve në kuadër të këtij ligji dhe kjo ka të bëjë me bartjen e kompetencave nga UNMIK-u, respektivisht nga PSSP-ja- në institucionet e Republikës së Kosovës.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 76;
Kundër----- 5.
Abstenime-----7.

Kryetari konstatoi se Kuvendi, me shumicë votash miratoi, në parim, Projektligjin për ndryshimin e Ligjit të Kuvendit të Kosovës 2004/9 mbi Rregullatorin e Energjisë.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

9. Shqyrtimi i parë i Projektligjit për ndërmarrjet publike

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministri për Ekonomi dhe Financa, **Ahmet Shala**, tha se Projektligji për ndërmarrjet publike është debatuar edhe në Grupin Strategjik dhe në Grupin Gjithëpërfshirës. Ky Projektligj parasheh që transferi i ndërmarrjeve publike të bëhet konform Pakos së Ahtisarit që ndërmarrjet publike të kthehen në menaxhim të Qeverisë së Kosovës. Prona e ndërmarrjeve publike edhe me Kushtetutë është përcaktuar si pronë e Republikës së Kosovës. Konsideroj se janë paraqitur të gjitha elementet më të avancuara të standardeve të qeverisjes konform OECD-së dhe në bashkëpunim edhe me këshilltarët ndërkombëtarë dhe vendorë pas kalimit nëpër të gjithë filtrat.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për-----60;
Kundër-----10,
Abstenime-----10.

Kryetari konstatoi se Kuvendi, me shumicë votash miratoi, në parim, Projektligjin për ndërmarrjet publike.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë Projektligjin dhe Kuvendit t'ia paraqesë raportin me rekomandime.

10. Shqyrtimi i parë i Projektligjit për ndryshimin e Rregullores së UNMIK-ut nr. 2008/13 për miratimin e Buxhetit të Konsoliduar të Kosovës dhe shpenzimet e autorizuara për periudhën 1 janar deri më 31 dhjetor 2008

Kryetari ftoi përfaqësuesin e Qeverisë që para deputetëve të Kuvendit ta prezantojë Projektligjin.

Ministri për Ekonomi dhe Financa, **Ahmet Shala**, tha se me këtë Projektligj është bërë një proces i pastrimit të attributeve që i kanë pasur deri më tani institucionet ndërkombëtare të rezervuara, si dhe institucionet e tjera, të cilat me ndryshimin e statusit të Kosovës do të kalojnë në kompetenca të institucioneve tona. Pra, ka elemente, kryesisht teknike. Aty ku shkruan PSSP-ja, do të jetë Kuvendi i Kosovës, ku shkruan AKM-ja - do të jetë Agjencioni i Privatizimit të Kosovës. Ndërsa, nëse është ndonjë institucion tjetër që ka qenë pjesë e rezervuar, do të mbeten institucionet e Kosovës.

Kryetari e hodhi në votim miratimin e këtij Projektligji. Rezultati i votimit ishte, si vijon:

Për----- 74;
Kundër----- 3,
Abstenime-----8.

Kryetari konstatoi se Kuvendi, me shumicë votash miratoi, në parim, Projektligjin për ndryshimin e Rregullores së UNMIK-ut nr. 2008/13 për miratimin e Buxhetit të Konsoliduar të Kosovës dhe shpenzimet e autorizuara për periudhën 1 janar deri më 31 dhjetor 2008.

Kuvendi ngarkoi Komisionin Ad-hoc, që në bazë të Vendimit të Kuvendit, të datës 15 shkurt 2008, ta shqyrtojë këtë projektligj dhe Kuvendit t'ia paraqesë raportin me rekomandime.

Kryetari e deklaroi të mbyllur seancën në orën 16:10 minuta.

Kryetari i Kuvendit
Jakup KRASNIQI

Përgatiti:

Divizioni i Çështjeve Plenare dhe Procedurale